

LIBROS



TALLERES EDUCATIVOS PARA CONSTRUIR ECODESTREZAS
Recuperando las habilidades que nos permiten reducir el impacto ambiental en nuestra vida cotidiana y aumentar nuestra resiliencia.

Francisco Heras (dir.) e Ángel Javier España (coord.)
 Centro Nacional de Educación Ambiental (CENEAM)
 Español (134 pág.), 2015
 ISBN:978-84-8014-875-7 / DL:M-36536-2015

O libro de "ecodestrezas" reúne unha serie de textos de diferentes autoras e autores que pasan da teoría á práctica facendo diferentes propostas para superar moitos dos comportamentos cotiáns antiecolóxicos que o actual modelo de vida carrega. Preséntanse once obradoiros que tratan temas relativos ás alternativas á limpeza e á cosmética, á costura de roupa de segunda man e á compostaxe doméstica. Un libro moi recomendábel, no que tamén participou ADEGA para conciliar teoría e práctica.

Pódese descargar da web do CENEAM: <http://www.magrama.gob.es/es/ceneam/recursos/materiales/talleres-educativos-ecodestrezas.aspx>



FLORA DO RÍO DOS GAFOS

Francisco Javier Silva-Pando e Amancio Castro González (texto); José Nelson Gómez Rodríguez (fotografía)
 Concellaría de Cultura de Pontevedra e Vaipolorio
 Galego (204 pág.) DL:PO 634-2015

Esta publicación pretende dar a coñecer a flora que atesoura o río dos Gafos, incorporando especies dos diferentes ecosistemas que conforman este espazo natural. Para facilitar a lectura, inclúese un glosario de termos botánicos, unido á sabedoría popular e científica.



O LIBRO BRANCO DE ENCE

Plataforma Encefora.gal
 Galego (31 pág.), 2015

Este documento foi elaborado por entidades e institucións de Pontevedra que teñen como obxectivo a recuperación do espazo marítimo terrestre de Lourizán e que aspiran a ver a ría libre de industrias impropias e incompatíbeis co seu desenvolvemento sustentábel. Este libro branco dá resposta a máis de 80 preguntas sobre o complexo de Ence en Lourizán e as súas afeccións sobre a ría e foi publicado pouco antes de que o goberno en funcións do PP anunciase a prórroga da concesión da pasteira para outros 60 anos na ría.

Pódese descargar integramente en: <http://encefora.gal>



ATLAS LINGÜÍSTICO GALEGO. VOLUME VI: LÉXICO. TERRA, PLANTAS E ÁRBORES

Constantino García / Antón Santamarina (dirs.), Francisco Fernández Rei (coord.)
 Fundación Barrié / Servizo de Publicacións da Universidade de Santiago de Compostela
 Galego (732), 2016
 ISBN 978-84-16533-12-1

O Instituto da Lingua Galega acaba de publicar un novo volume do ALGA (Atlas Lingüístico Galego) que ten como finalidade describir as variedades xeográficas do galego moderno. Esta é a sexta publicación do proxecto no que se recolle léxico referido a "Terra, plantas e árbores". A obra conta con material cartografado que se agrupa en dous grandes bloques: o primeiro dedicado á terra, como espazo físico non alterado polo ser humano; e o segundo dedicado ás plantas e árbores silvestres e froiteiras, aos froitos e ás denominacións de arbustos. Ademais de 272 mapas, este volume inclúe un anexo de plantas con información adicional.

VÍDEO



ISLAS SALVAJES. LAS OLVIDADAS DEL ATLÁNTICO

Juan José Ramos Melo e Germán Pinelo (dirs.); Antonio Delgado (mus.); Birding Canarias (prod.)

A medio camiño entre as Illas Canarias e Madeira aparecen as Illas Salvaxes, un pequeno arquipélago portugués deshabitado que alberga algunha das principais colonias de cría de aves mariñas das Illas Atlánticas. Un paraíso para a vida salvaxe e refuxio dalgunhas das máis singulares especies de fauna e flora da macaronesia. Este DVD é froito da colaboración dun importante grupo de especialistas en flora e fauna, dirixido e realizado por Germán Pinelo e Juan José Ramos, co apoio dun nutrido grupo de amigos. Contén un documental baseado na experiencia de aqueles que traballaron e estudaron este recuncho do Atlántico, dotado de imaxes inéditas de especies únicas a nivel mundial.

LIGAZÓN



INFORME PROXECTO RÍOS 2015

Virxinia Rodríguez e Paco Bañobre
 ADEGA-Proxecto Ríos
 Galego (80 pág.)

O informe do estado de saúde dos ríos galegos que presenta o Proxecto Ríos establece unha fotografía do estado ecolóxico dos nosos ríos a partir das análises realizadas durante as campañas de primavera e outono polo voluntariado participante. Nel atopamos os resultados das inspeccións realizadas, a metodoloxía empregada e as actividades máis importantes desenvolvidas durante 2015.

Pódese descargar o informe completo ou o resumo do web de Proxecto Ríos: www.proxectorios.org